

# Eerste pries verhoalen jonkgoud: Noar de toukkomst

■ Geert verveelde zok 'n beetje. Hai docht: "Meschain vaalt der boet'ndeure wat te beleev'n." Dus ging Geert noar boet'n. Hai slenterde wat douloos over stroat, sluig 'n houk om ...en.... doar zag hai 'n felgruine deus. Hai bekeek de deus van aale kaant'n, hai keek der onder.... en wat hai nou zag...! 'n Stofzoeger. En nait zomoar 'n stofzoeger..... 't was 'n schrievende stofzoeger! Hai schreef: "Kom ais wat dichterbie." En Geert kwam dichterbie. Dat was nait zo'n looze zet van hom want nou wer hai opzoog'n deur deizulfde stofzoeger. Ainmoal in 't lief van de stofzoeger leek 't wel aalsof hai noar beneedn vuil. Hai vuil aal daiper en daiper..... en daiper. Dou plofte hai deel op 'n zaachte ondergrond. Dat zaachte was 'n stoapel matrazzen dei noast 'n matrazzenfabriek lag. Geert vruig zok oaf woar hai wel was. Hai docht: "Kom loat mie ais wat rondkiek'n". Hai klom van de stoapel matrazzen oaf en dou zag hai dat matrazzenfabriek op 'n aailaandje ston. Noast dei fabriek ston 'n klaain winkeltje mit de muren vol aanplakbiljet'n woarop ston: "Nou extroa veul vuurwaark en knapperij veur de milleniumwizzeln 39994000!"

Nou wos Geert dat dei stofzoeger 'n tiedmesien was. Hai ging votdoadelijk op zuik noar 'n boot want hai wol noar 't vaste laand. Hai von 'n bootje, stapte der in en voarde vot. Noa 'n uur of wat voar'n kreeg hai honger..... gelokkeg har e 'n poar sukkeloareep'n bie zok en dij at hai op.

't Begon aal nuuver donker te wor'n toun hai eindelijk laand zag. Hai zag ook 'n hoaven en doar koerste hai op oaf. Toun hai in dei hoaven aankom'n was von hai 't nogaal 'n duuster en verlaot'n boudeltje. Hai zette 'n vout op de staaijer.... en..... zakte der deur. "Wat.... blub.... krieg'n..... blub... blub.... wie.... blub.... nou!" ruip Geert mit schrik in hoed. En hai zwom noar kaante tou. Nog moar goud en wel zat hai op kaant of der kwam aine op hom oaf.

Hai zee: "Ik bin Geert wel bist doe?" De persoon dei 'n jong bleek te weez'n zee: "Ik bin Pait moar woarom komst doe mit boot? Doe kist toch veul beter mit de Tik Tak Tok raizen?"

"De Wat?"

"De Tik Tak Tok." "Wat... in vredesnoam..... mag dat wel weez'n?"

"Wais 't dat nait? Dat is de vernaide zweeftrain"

"Moar ik zai naars 'n station." "Moar doe kist hom toch floit'n stovvel."

"Floit'n???"

"Tjonge, doe waist ook nait veul. Zeg mie aais woar komst doe vandoan?"

"Doe zelst mie wel nait leuven moar ik kom uut 't joar 2000."

"Nou zo'n meroakel is dat nou ook weer nait, ik mag aanneem'n dast doe gewoon mit stofzoeger kwamst? O nee in 2000 wazz'n der vanzulf nog gain tiedstofzoegers."

"Moar ik zat wel in 'n stofzoeger. Hai zat in zo'n felgruine deuze." Pait zee bedachtzaam: "Tjoa mien jong dat is wel meugelk moar din mout der aine in 't gehaaim noar 't verleed'n raist weez'n en dat is strafbaar. Want as je noar 't verleed'n raiz'n din kin je de geschiedenis veraandern. Je kin'n wel toustemm'n krieg'n om noar de toukomst te raizen want as je doar wat aan ver-

aandern din veraandern wie dat gewoon weer as 't zover is."

"Moar ik kon dus hierzoot kom'm omdat aine zien stofzoeger in ons dôrp stoan loat'n het?"

"Krek zo ist."

"Moar nou wil ik weer noar hoes want ik mout eet'n."

"Oké, ik bring die wel weer noar dien hoes moar eerst loat ik die mien aig'n hoes zain."

"Mie goud" zee Geert. En ze ging'n op weg noar 't hoes van Pait. Onderwegens verboasde Geert zok nog wel ains over 't ain en 't aander en vroug wat of dat was. Moar verder gebeurde der nait zovet veul biezuanders. Dou ging'n ze bie Pait in hoes. Dou ze in 't hoes wazz'n docht Geert: "Och 't is hier nait ains zo slim veul aans as in 2000." Moar dou e wat beter keek was 't ainglieks toch

wel weer aans. Pait zee: "Jong doe kist hier nog wel 'n oognblikje bliev'n din kist doe 'n milleniumwizzeln mitmoaken."

Moar dat zinde Geert niks en hai zee din ook: "Nee hur dat huft om mie nait. Mien moeke is vast ongerust en 'n milleniumwizzeln heb ik ook aal 'n keer beleefd."

Dou vuil zien oog op 'n stoapeltje soeterge pepier'n. "Wat bin dit veur pepier'n?" vruig e.

"O" zee Pait "Dat bin aal huile olle pepier'n van kwait nait huil laank leed'n." Geert pakte ain van dei pepier'n en keek der ais goud in. Dou zee hai stomverboasd: "Dit is 't verhoal dat ik schreev'n heb veur de Grunneger Schriefwedstried."

"Din neemst doe dei boudel toch gaauw mit" zee Pait. Dat luit Geert zok vanzulf gain twaimoal zeg'n. Hai volde de pepier'n veurzichtig op en

stopte ze in buutse. "Nou Pait jong doe wost bedankt, ik gai weer op hoes oaf." Dus luip'n ze noar de dichtsbieziende stofzoeger. Dei zoog Geert op en 'n oognblikje loater kwam hai vlak veur zien hoes terecht. Hai luip 't hoes in en ruip zien moeke tou dat hai in 't joar 3999 wést was. Hai vertelde 't haile verhoal en luit zien pepier'n mit zien Grunneger verhoal zain.

En loater..... midd'n in de nacht om twaalf uur... dou Geert alaank sluip, zee Pait teeg'n zien ôllu en zien bruiertje: "Veul hail en zeeg'n veur 't naaie joar."

**Douwe Sibma (11 joar) uut Froombosch**

Alle prijswinnende gedichten en verhalen zijn het hele weekeinde te lezen op onze website: [www.groningerdagblad.nl](http://www.groningerdagblad.nl)

## 'Wereldkampioenen' Grunnegs schreven gehuldigd



◀ De heer Calon reikte de prijzen uit aan Janny Schoenmaker, Emmy Rotman en Alexandra Nijboer.

Foto: Hans Banus

■ **STADSKANAAL** - Gedeputeerde Marc Calon reikte gisteravond in de foyer van het Theater Geert Teis de prijzen uit van de finale van de Grunneger Schriefwedstrieden, die in het voorjaar, tot en met de maand maart (dialectmoand) in een groot aantal gemeenten in de provincie zijn gehouden. Er deden dit jaar tien gemeenten mee. In totaal waren er 670 deelnemers. De gemeentelijke winnaars dongen mee naar de provinciale hoofdprijzen. De inzendingen werden beoordeeld door een jury, bestaande uit Henk Smid, redactielid van Toal en Taiken, dichteres

Tiny Veldhuis en redacteur Fred Reiffers van uitgeverij Blue Mule uit Ten Boer.

Het predikaat 'wereldkampioenschap' is aan het gebeuren verleend doordat er door een aantal gemeenten ook via internet reclame voor is gemaakt. Daar werd ook op gereageerd. „Voor de wedstrijd in Stadskanaal hebben wij inderdaad een paar inzendingen via e-mail uit het buitenland binnengekregen”, zegt Jan Johan ten Have van de Kanaalster organisatie.

De finale werd in Stadskanaal gehouden, omdat Jarko Bruintjes uit deze plaats de wedstrijd

vorig jaar won. Volgend jaar zal Appingedam de finale organiseren, omdat mevrouw F. C. Croezevan Til uit die stad met 'Golden klompkes in moaneschien' de categorie verhalen volwassenen won. De overige winnaars waren: 'Vervelens' door Jannie Schoenmaker uit Ter Apelkanaal (gedichten jeugd); 'Noar de toukomst' door Douwe Sibma uit Froombosch (verhalen jeugd) en 'Koalslag' door B. Smid uit Vlagtwedde (gedichten volwassenen).

98 27-5-00